

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA

Broj: T04 0 KT 0062399 25  
Zenica, 20.02.2025. godine

OPĆINSKOM SUDU U ZAVIDOVIĆIMA  
- Sudiji za prethodno saslušanje –  
ZAVIDOVIĆI

Na osnovu člana 45. stav 2. tačka i) i člana 241. stav 1. ZKP-a F BiH, p o d i ž e m

O P T U Ź N I C U

Protiv:

S.A., neosuđivan,

Što je:

Dana 16.01.2025. godine oko 13,30 sati na području grada Z., u mjestu P., svojim vozilom marke „Pasat“, ..., sustigao tmv „Man“ reg. oznaka ..., kojim je upravljao M. A., te svojim vozilom prepriječio put tmv „Man“, te je naročito drskim i bezobzirnim ponašanjem i nasiljem prema drugom ugrozio građanski mir, a što je i htio, na način da je kada se ovo teretno vozilo zaustavilo, izašao iz svog putničkog vozila, govoreći A.: „šta radiš mater ti j\*\*\*\*“, nakon čega je otišao ponovo do svog vozila, otvorio prtljažnik i iz istog uzeo veća vodoinstalaterska kliješta, prišao kamionu, te ovim kliještima udario po blatobranu tmv „Man“ ispod vozačevih vrata, vičući pri tom „hoćeš li da ga izlupam, mater ti j\*\*\*\*“, da bi potom prišao vratima vozača, ista zalupio, te je kliještima snažno udario po ukrasnoj plastici-spojleru na lijevoj strani kamiona i pri tom polomio istu, te na ovaj način oštetio vozilo vlasništvo firme „M...“ d.o.o, nanijevši ne istom štetu u iznosu od 500,00 KM,

Čime je u sticaju počinio krivično djelo nasilničko ponašanje iz člana 362. stav 1. KZ F BiH i Oštećenje tuđe stvari iz člana 293. stav 1. u vezi sa članom 54. KZ F BiH.